

# KIPINDI CHA 1 ZÚME MWANDIKO WA VIDEO

## Wafundishe Kutii

Karibuni tena kwenye mafundisho ya Zumé.

Katika kipindi hiki, tutazungumzia juu ya wanafunzi na kanisa.  
Mwanafunzi ni nani?

Na wawezaje kumfanya mmoja? awe mwanafunzi kwa njia gani?

Je, wawezaje kumfundisha mfuasi wa Yesu kutii amri zake zote?

Je, unachukua mtu ambaye aliishi maisha yake kama mtumwa wa ulimwengu na kumwezesha kuwa raia wa ufalme wa Mungu kwa njia gani?

Maana ya neno mwanafunzi ni mfuasi.

Kwa hivyo mwanafunzi ni mfuasi wa Mungu.

Yesu alisema – Nimepewa mamlaka yote mbinguni na duniani.

Kwa hivyo katika ufalme wa Mungu, Yesu ndiye Mfalme wetu.

Sisi ni raia wake, kwa mapenzi yake.

Wapenzi wake, makusudi, malengo yake, vipaumbele na maadili ni vya juu na bora zaidi.

Neno lake ni sheria. Kwa hivyo sheria ya ufalme ni nini? Je! Yesu anawaambia watu wake wakafanye nini?

Yesu alisema - Mpende Bwana Mungu kwa moyo wako wote, kwa nafsi yako yote, kwa akili yako yote na kwa nguvu zako zote.

Yesu alisema - Mpende jirani yako kama unavyojipenda mwenyewe.

Yesu alisema kwamba amri za Mungu ktika Agano la Kale - sheria zote na manabii - zinaweza kufupishwa katika mambo haya mawili - mpende Mungu na Uwapende Watu

Yesu alisema - Fanya wanafunzi

Yesu alisema - Wafundishe kutii yote niliyoamuru.

Kwa kuwa kufanya wanafunzi inajumuisha kuwafundisha yote Yesu aliyoamuru - Agano Jipya inaweza kufupishwa kwa jambo moja - Wafanye Wanafunzi

Mwanafunzi ni mfuasi wa Yesu anayempenda Mungu, anapenda watu na huwafanya wanafunzi

Basi kanisa ni nini?

Huenda huwa unafikiria kanisa ni jengo - mahali unapoenda.

Lakini Neno la Mungu linazungumzia kanisa kama mkusanyiko - watu ambao wewe umo miongoni mwao.

Neno “kanisa” linatumiwa katika Biblia kwa njia tatu tofauti:

- kanisa nzima – watu wote ambao walikuwa, ambao wapo na ambao daima watakuwa wafuasi wa Yesu
- kanisa la jiji au la kanda – watu wote wanaomfuata Yesu na wanaishi humo au karibu na eneo fulani la ulimwengu
- kanisa la nyumbani – watu wote wanaomfuata Yesu na hukutana pahali mmoja ama watu wengi wanapoishi.

Jamaa wa kiroho – wafuasi wa Yesu wanaompenda Mungu, wanawapenda watu na kuwafanya wanafunzi ambao hukutana kwenye mitaa wao ndio aina ya mwisho ya kikundi hiki cha kanisa – kanisa la nyumbani au kanisa vivi hivi.

Wakati makundi ya makanisa haya yanapokutana kufanya kitu kikubwa, pamoja, wanaweza kutengeza kanisa la jiji au kikanda.

Makanisa hayo yote vivi hivi yameunganishwa katika mikoa na kuenea katika historia kufanya kanisa zima.

#### HILO NI KANISA NA HERUFI “K” KUBWA

Makanisa vivi hivi ni jamaa wa kiroho na Yesu kama kiungo cha kati na mfalme wao.

Makanisa vivi hivi ni jamaa wa kiroho wanaompenda Mungu, wanawapenda wengine na wanawafanya wanafunzi ambao wanajizidisha.

Makanisa mengine yana majengo na orodha na matumizi na wafanyi kazi. Lakini makanisa vivi hivi havina haja na vitu hivi ili wampende Mungu, wapende wengine na kuwafanya wanafunzi ambao wanajizidisha.

Na kwa kuwa chochote cha ziada hulifanya kanisa kuwa na ugumu kujizidisha, mafundisho yetu huacha vitu kama majengo na orodha na matumizi na wafanya kazikwa kanisa la jiji au la kanda lililojengwa kutokana na uzidishaji wa makanisa vivi hivi.

Kumbuka kwamba “zumé” inamaanisha “chachu” -- kiumbe ambacho kinazalisha haraka haraka.

Kupitia mafundisho ya Zumé – tutakuwa kama ile chachu – vivi hivi na kujizidisha.

Lakini kabla tuanze kujizidisha –tuhakikishe kwamba tunajua kile Mungu anataka kizalishwe.

Kwa sababu kuzidisha kunaweza kuwa kuzuri – lakini sio kila mara.

Saratani hujizidisha. Na inaua.

Tunawezaje kuzalisha uhai na sio kifo? Tunawezaje kuhakikisha kwamba sisi ni wanafunzi wanaoweza kuzalisha?